



Inâkonigewin 2005 Kâwin Sagaswâniwanzinôn Ontario-ng Inâkonigewin Ke-dôdâgemagak: Kîkâwâbinâsogamigôn, Abinâsogamigôn,ashidj Kichi-gikinâmâdinân-abiwinan

Netamisingin

- Inâkonigewin Kâ'n Sagaswâniwanzinôn Ontario-ng kada-mashkawazîchigâde 31,Wâbigon Kîzis 2006.
- Inâkonigewin inazinâde kibahigâdeg sagaswewin ondemitâwigamigokâg ashidj ked-iji-mânenâniwang, Ontario-ng. Mî iye kidji-wîdokawenimindwâ ega segaswâdjig chega opanâdamowâdj kodag âwiyeg obatem.

Kîkâwâbinâsogamigôn, Abinâsogamigôn, ashidj Kichi-gikinâmâdinân-abiwinan

Kâwin sagaswâniwanzinôn pemi-ayindanizinâniwang kîkâwâbinâsogamigông, abinâsogamigông, ashidj kichi-gikinâmâdinân-abiwinan. Nâsâb igodj onôn towa: kâ-akwândawebedeg akwândawâgan, wage akwândawâgan, nenâwisagâg, odâbân-asandjigowinan, endaji-gizîbîgahigenâniwang, wendji-bîndigenâniwang, pakesâyâ eji-gagwedjîniwang, endaji-mamandosenâniwang konima kaye endaji-minowâzinâniwang.

Tebenindjigedjig Odibisatwâwiniwâ

- Ke-gikenindamônâwâdj ogon pândigenindjin ega sagaswâniwang.
- Ked-akonamowâdj âtawechige-onâganan konima kaye kodagan ked-inâbadakin âtawechiganan.
- Ke-gikenindamônâwâdj ega sagaswâniwang apin eyâbadakin pakesâyân 'indaje ombâkoniganing.
- Ayagodôwâdj tibâdjimozinahiganan Kâ'n Sagaswâniwanzinon ke-bimi-bîndigenâniwang, pemi-zâgahaminâniwang, ijâwinikâng, ashidj ândidog igodj ke-wâbandjigâdeg kidji-gikenindâgok tash ega sagaswâniwang.

Kîshpin wî-nanda-gikenindaman ke-ondinigâdegoban tibâdjimo-mazinahigânsan, kanôj âwiyeg mino-bimâdiziwin kejjigâbandangik.

Mashkawizîchigâdeg

Wâkâhî endanizidjig kejjigâbandangik mino-bimâdiziwin kada-baba-ayijîg nâgada-wâbandjigewâdj ashidj kidji-nanda-gikenindjigewâdj apîch ânwâbandjigewin tagwang minowâzigamigông ashidj kîshpin kidji-nôsinehigâdegwen nasemâ-inâkonigewin.

Ked-ayindidj

Kâwin wîndâgosinôn maya ked-inigokwâg kîjîkâzowin kîshpin ânwetang awaso inakâg inâkonigewin, wâ-ikidômagak tash tibâkonigewininî odayân kidji-onatôdj ked-inigokwâg kîjîkâzowin. Pemâdizidj konima tâ-ijinâgodini kidji-gîjîkâzodj \$5,000.00 minigik mâmindji-ishpâg.

Awaso tibâdjimozinahigan tidâtibî-nandwânîkewin eta kada-inâbadad. Kîspin kîyâbadj wî-nanda-gikenindjigen, enâbigis kanôj mino-bimâdiziwin kejjigâbandangik.

Konima kaye 'ondaje madwesidjiganing kidâ-ondinân wî-nanda-gikenindaman kego:

- **INFOLINE** 1-866-396-1760
- **TTY** 1-800-387-5559

Taso-dibahiganeg ke-jesing: Metisonî-gîjigak ako Chîbayâtigo-gîjigak, 8:30 kigijeb ako 5:00 onâgoshig.

Kîshpin kîyâbadj wî-nanda-gikenindaman Inâkonigewin Kâwin Sagaswâniwanzinôn Ontario-ng, enâbigis andonan Ontario of Health Promotion mizimizide-nanda-gikenindjigewining:

www.mhp.gov.on.ca/english/health/smoke_free/legislation.asp.

Wâbigon Kîzis 2006